



Broj: 0101-3935-8-LOT.2./17
Sarajevo, 28. 06. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda za javnu nabavku usluge-LOT 2: Osiguranje imovine, na preporuku Komisije za javnu nabavku broj: 0101-3935-6-LOT.2./17 od 28. 06. 2017. godine, rektor Univerziteta u Sarajevu je d o n i o

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3935-6-LOT.2./17 od 28. 06. 2017. godine i ugovor o javnoj nabavci usluge-LOT 2. Osiguranje imovine, dodjeljuje ponuđaču SARAJEVO OSIGURANJE d.d. Čobanija 14, 71 000 Sarajevo, čija ukupna cijena ponude iznosi 2.542,54 KM bez PDV-a (slovima: dvijehiljadepetstotinačetrestdvije KM i 54/100), iz razloga što je u postupku konkurentskog zahtjeva za dostavljanje ponuda, ponuđač ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3935-1/17 od 07. 06. 2017. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku usluge-Osiguranje zaposlenika od nezgode, osiguranje imovine i osiguranje motornih vozila.

Predmetna javna nabavka je podjeljena na lotove:

Lot 1: Osiguranje zaposlenika od nezgode

Lot 2: Osiguranje imovine

Lot 3: Osiguranje motornih vozila

Za provođenje postupka predmetne javne nabavke, Odlukom broj: 0101-3935-2/17 od 07. 06. 2017. godine, imenovana je Komisija za provođenje postupka javne nabavke.

Obavještenje o nabavci broj: 999-7-2-123-3-19/17 objavljeno je na Portalu javnih nabavki dana 09. 06. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-3935-3/17.

iz Zapisnika Komisije za javne nabavke o pregledu i ocjeni ponuda (LOT 2.), vidljivo je da je konkurentski zahtjev za dostavljanje ponuda dana 09. 06. 2017. godine, upućen na adrese slijedeća tri ponuđača:

TRIGLAV OSIGURANJE d. d. Dolina 8, 71 000 Sarajevo
VGT Osiguranje d. d. Alaudin 1, 71300 Visoko
SARAJEVO OSIGURANJE d. d. Čobanija 14, 71 000 Sarajevo.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: "ZOVKO OSIGURANJE" D.D. ŽEPČE, WIENER OSIGURANJE VIG AD, Infostrim d.o.o., BBS Europe, ASA OSIGURANJE D.D. SARAJEVO, ekapija doo, Euroherc osiguranje dd, SARAJEVO-OSIGURANJE D.D., Triglav Osiguranje d.d., DD za osiguranje VGT Visoko, UNIQA osiguranje d.d. Sarajevo i BOSNA-SUNCE OSIGURANJE D.D. SARAJEVO.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da u periodu koji je ostavljen za dostavljanje ponuda, od strane potencijalnog ponuđača Euroherc osiguranje dd, Sarajevo postavljeno je slijedeće pitanje u vezi sa Tenderskom dokumentacije broj: 0101-3935-3/17 od 09. 06. 2017. godine, u dijelu koji se odnosi na Lot 2:

„U tabeli 2 i 3 za opremu u objektu UTIC (33) se traži osiguranje na nižu svotu osiguranja od one na koju se treba osigurati od rizika požara. Dok je za isto, u izjavi pod tačkom 8, naglašeno da se ponuda sačinjava na punu vrijednost. Koji podatak da uzmemo prilikom obračuna?“

Ugovorni organ je dostavio slijedeći odgovor na postavljeno pitanje za LOT 2.:

„U Tabeli 2. stavka broj 3. u objektu UTIC (33) za opremu treba da stoji suma osiguranja 1.300.000,00 KM, tako da ukupna suma osiguranja objekata iznosi 2.971.500,00 KM.

U Tabeli 3. stavka broj 3. u objektu UTIC (33) za opremu treba da stoji suma osiguranja 1.300.000,00 KM, tako da ukupna suma osiguranja objekata iznosi 1.806.500,00 KM.“

Iz Zapisnika Komisije za javnu nabavku je vidljivo da su do krajnjeg roka za dostavljanje ponuda (21. 06. 2017. godine do 10,00 sati) zaprimljene ponude slijedećih ponuđača:

- SARAJEVO OSIGURANJE d.d. Čobanija 14, 71 000 Sarajevo;
- VGT Osiguranje d.d. Alaudin 1, 71300 Visoko;
- ASA osiguranje d.d. Trg međunarodnog prijateljstva 25, 71000 Sarajevo;
- TRIGLAV OSIGURANJE d.d. Dolina 8, 71 000 Sarajevo;
- EUROHERC OSIGURANJE d.d. Trg međunarodnog prijateljstva 20, 71000 Sarajevo.

Iz Zapisnika Komisije za javnu nabavku je vidljivo da je dana 21. 06. 2017. godine u 10,15 sati izvršeno javno otvaranje prispijelih ponuda.

Na javnom otvaranju ponuda bio je prisutan predstavnik ponuđača EUROHERC OSIGURANJE d.d. Sarajevo, Haris Branković, koji je prisustvovao javnom otvaranju ponuda bez punomoći, tako da nije imao pravo potpisati Zapisnik sa otvaranja ponuda, niti preduzimati bilo koje pravne radnje u ime ponuđača.

Zapisnik sa javnog otvaranja ponuda je, u zakonskom roku, upućen putem pošte svim ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije za javnu nabavku je vidljivo da se Komisija sastala dana 27. 06. 2017. godine, radi pregleda i ocjene ponuda, odnosno da bi utvrdila da li ponuđači ispunjavaju uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetnih usluga.

Iz Zapisnika Komisije za javnu nabavku je vidljivo da su svi ponuđači koji su blagovremeno dostavili ponude za LOT 2. (Osiguranje imovine) dostavili dokaz o ispunjavanju uslova preferencijalnog tretmana domaćeg, kako je traženo Tačkom 25. Tenderske dokumentacije, tako da svi ponuđači uživaju preferencijalni tretman domaćeg.

Komisija za javnu nabavku je utvrdila da se u predmetnom postupku javne nabavke za LOT 2: OSIGURANJE IMOVINE, ponuđač EUROHERC OSIGURANJE d.d. Trg međunarodnog prijateljstva 20, Sarajevo isključuje iz sljedećeg razloga:

Ponuđač nije dostavio dokaz koji je Ugovorni organ tražio Tačkom 13.2.1. pod b) Tenderske dokumentacije:

b) ovjerenu kopiju originala Rješenje nadležnog organa iz koga se vidi da je ponuđaču odobreno obavljanje djelatnosti koja je predmet ove nabavke sa naznakom vrste osiguranja za koje je izdata dozvola.

Iz navedenih razloga, Komisija za javnu nabavku je ponudu ponuđača EUROHERC OSIGURANJE d.d. Trg međunarodnog prijateljstva 20, Sarajevo ocijenila kao NEPRIHVATLJIVU.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda ponuđača na sljedeći način:

R. br. na rang listi	Naziv i sjedište ponuđača	Ponuđeni popust	Ukupna cijena ponude KM bez PDV-a	Ukupna cijena ponude nakon primjene preferencijalnog tretmana domaćeg (-10 %) KM bez PDV-a
1.	SARAJEVO OSIGURANJE d.d. Čobanija 14, 71 000 Sarajevo	0,00 %=0,00 KM	2.542,54	2.288,28
2.	VGT Osiguranje d.d. Alaudin 1, 71300 Visoko	0,00 %=0,00 KM	3.083,76	2.775,38
3.	ASA osiguranje d.d. Trg međunarodnog prijateljstva 25, 71000 Sarajevo	0,00 %=0,00 KM	5.255,24	4.729,72
4.	TRIGLAV OSIGURANJE d.d. Dolina 8, 71 000 Sarajevo	0,00 %=0,00 KM	6.885,70	6.197,13

Komisija za javnu nabavku je utvrdila da je cijena ponude ponuđača SARAJEVO OSIGURANJE d.d. Čobanija 14, 71 000 Sarajevo za više od 50 % niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, pa je u skladu sa članom 66. stav (1) Zakona o javnim nabavkama BiH i članom 17. stav (7) tačka a) Uputstva za pripremu modela tenderske dokumentacije i ponuda, dana 28. 06. 2017. godine uputila zahtjev ponuđaču SARAJEVO OSIGURANJE d.d. Čobanija 14, 71 000 Sarajevo za obrazloženje ponuđene cijene, odnosno detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene. Komisija za javnu nabavku je konstatovala da je ponuđač SARAJEVO OSIGURANJE d.d. Čobanija 14, 71 000 Sarajevo, isti dan 28. 06. 2017. godine dostavio pismeno obrazloženje cijene ponude za LOT. 2. Ponuđač SARAJEVO OSIGURANJE d.d. Čobanija 14, 71 000 Sarajevo je u obrazloženju naveo da je svoju ponudu sačinio u skladu sa važećim premijjskim sistemom i tarifama, te da je kalkulaciju premije izvršio na osnovu situacije na tržištu i ocjene traženih rizika. Dalje je naveo da SARAJEVO OSIGURANJE d.d. Sarajevo ima potpisan ugovor o reosiguranju za 2017. godinu sa domaćim partnerom "Bosna RE" sa kojim dijeli preuzete rizike osiguranja, a koji nadalje iste rizike prenosi na renomirana svjetska društva za reosiguranje među kojima su Munich RE iz Minhena, Hannover RE iz Hanovera, Swiss RE, Germany iz Minhena, te niz drugih. U obrazloženju je dalje navedeno da je prema zvaničnim podacima na dan 31. 12. 2016. godine SARAJEVO OSIGURANJE d.d. Sarajevo među vodećim osiguravajućim društvima na tržištu sa ukupnom policiranom premijom u iznosu od 54.850.824,00 KM, isplaćenim štetama u iznosu od 31.327.029,00 KM, te visinom kapitala u iznosu od 30.794.900,00 KM. Nakon analize dostavljenog obrazloženja ponuđene cijene, Komisija za javnu nabavku je ocijenila da je ponuđač SARAJEVO OSIGURANJE d.d. Čobanija 14, 71 000 Sarajevo, u skladu sa zahtjevima iz Tenderske dokumentacije, dostavio zadovoljavajuće objašnjenje

cijene ponude na osnovu kojeg je Komisija ocijenila da će ponuđač biti u mogućnosti izvršiti uslugu po ponuđenoj cijeni, odnosno da će obezbijediti maksimalnu sigurnost isplate šteta za sve osigurane slučajeve iz Tenderske dokumentacije.

Komisija za javnu nabavku je dala preporuku rektoru Univerziteta u Sarajevu da za nabavku usluge LOT 2: OSIGURANJE IMOVINE za potrebe Univerziteta u Sarajevu, donese odluku o izboru najpovoljnijeg ponuđača i dodjeli ugovor ponuđaču SARAJEVO OSIGURANJE d.d.

Čobanija 14, 71 000 Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 2.542,54 KM bez PDV-a (slovima: dvijehiljadepetstotinačetrestdvije KM i 54/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj

Dostaviti:

1. SARAJEVO OSIGURANJE d.d. Čobanija 14, 71 000 Sarajevo;
2. VGT Osiguranje d.d. Alaudin 1, 71300 Visoko;
3. ASA osiguranje d.d. Trg međunarodnog prijateljstva 25, 71000 Sarajevo;
4. TRIGLAV OSIGURANJE d.d. Dolina 8, 71 000 Sarajevo;
5. EUROHERC OSIGURANJE d.d. Trg međunarodnog prijateljstva 20, 71000 Sarajevo.
6. Prorektor za finansije
7. Generalni sekretar UNSA
8. Služba za računovodstvo i finansije UNSA
9. u evidenciju javnih nabavki
10. web stranica UNSA
11. a/a

Prilog: Zapisnik o pregledu i ocjeni ponuda